

DISCOVER

(Bible Ralchhan)



Zirlai - 16

Vân Lam Chawlhna Thurûk

Kum tlênte liam taah khân a, khawtlang nun zirtute chuan reiloteah hian a hmanna kan hriat zawh loh khawpa hunâwl kan neih tûr thu an lo sawi lâwk tawh a. Kum 1967-a Senate Sub Committee (USA rorêltu pâwl ho) chuan

kum 1985 aţang chuan mite chuan kârkhatah dârkâr 22 hna an thawh tawh tûr an sawi tawh a ni.

Chungte chu ringngamin an hrilhlâwk nate chuan chhan  a t wk tak an nei a ni Computer (kh wl thluak nei) te chuan thlakhat daih hnate chu second khat tling lovah a thawk zo thei a. Robot chuan thil siamna hmuna hna r thap te chu a ti thei z l si a .

Amaherawhchu Computer-ten rang taka an chh t a, v ns ng thlalemten rang taka virkuala, kh wlin ngaihtuahna thawh hran ngai lova a tih vek theih chinah chuan, tun hma zawnɡ zawnɡ aia mak tiin kan thl r mai d wn a ni. Mahattan khawpuia thilruahmantu chuan, “Thiamna thar hian lungphu a tirang a ni,” a ti a.

Tunlai hian mite hian hunawl an nei lo a ni. Ent m n, kum 1967 leh 1985 ink ra America mipui hunawl neih chawhrual chu zaah 37 in a tlahniam a, America hnathawk zaa 40 aia tam chuan k rtin d rk r 40 aia tam hna an thawk a, zaa 20 d wn hian hnadang an thawhbelh bawk a. Hetiang hian tun thlengin a lo kal deuh ber a ni.

H ng zawnɡ zawnɡ bakah hian, chh ngkaw tam takin hun an nei lo a ni.

Nu leh pate chu khawl hmangin an inbe hman a, anni pahnih chu sawi loh, an fate n na hun  a neih ho chu a har  m  m a ni. Nu pakhat chuan a fanu kum 14 mi lekin mipat hmeichhiatna aţanga natna  a lo a kai thu a hmu chhuak a, hei hi a r p hl k khawp mai,



mahse a thian hnênah chuan, “Hunawl a ngah lutuk tih chu ka hre meuh mai, mahse englai pawha veng tûr chuan ka hman bîk lo a ni,” a ti.

Mamawh bîk hian engkim a tibuai a. Hunin a daih lo. America khaw tê tak tê a an thil enchhin chuan paten an fapa la naupang takte nêna nitin an hun hman chawhrual chu second 37 a ni. Chhungkuate chuan hun an nei lova an inpawh lo hle.

Engtin nge inpawh tha zâwk tûrin kan tih ang?

1. RILRU HREHAWM TAKA NUNGTE DAMDAWI

Isua chuan rilru hrehawm taka awmte harsatnate chu a hriatpui a, chuvângin a hmasa berin he thu dik hi hre tûrin min duh a ni. Thlarau hahchawlhna hi nun tha pêng a ni.

“Nangni thawkrim leh phurrit phur zawng zawngte u, ka hnênah lo kal ula, keiman ka chawlhîr ang che u. Ka nghawngkaw l bât ula, ka hnênah zir rawh u; thuhnuairawh leh rilrua inngaitlâwm tak ka nih hi, tichuan in thlarau tân chawlhna in hmu ang. Ka nghawngkaw l chu a nuam a, ka phur pawh a zang a ni,” Matthaia 11:28-30.

Bible chuan hetiang chawlhna hi kan nei tûr a nih thu kawng hnhin min kawh hmuh a; chu chu Krista hnêna nitina kal leh kârtina kal a ni.

2. NITINA ISUA NEN INZAWMNA

Isua chu englai pawhin hunin a daih lo a ni. Mipuite chuan englai pawhin amah an bawr si a. Kum thum leh a chanve chhûngin thlarau lamah chatuan atân khawvêl thlâk danglam hna thawh tûr a nei a. Englai pawhin

Farisaite enthlâkna leh phiar vêlna lakah a invêng a.

Chutichung chuan Krista chuan muanawm leh hahdam thlâk tak thlarau lam thuchah chu a vêla mite hnênah chuan a sawi thîn a ni. Chu chu engtin nge a tih? Nitinin vâna a Pa nêna inbiakna tûr hun a siam a, nun kawnga chonate hneh tûra chakna nei tûrin a Pa chungah a inghat zêl thîn a ni.

“Pa nung chuan mi tîra, Pa zâra nung ka ni ang bawkin, tupawh mi ei chu keima zârah a ni pawh a nung ang.” Johana 6:57.

Kan Chhandamtu chu a Pa chungah a innghat a. Amah anga nun zahawm leh ngheta kan nun dâwn chuan englai pawhin Isuaah kan inchâwm tûr a ni. A thu leh Thlarau chuan min tikhatin min siam sela. Mimal leh chhôngkuua min titâurâutu beihdân tha ber chu Isua nêna hun tha neih hi a ni. Amah ngeiin:

“Keimahah awm reng rawh u..... keimah lovin engmah in ti thei si lo,” Johana 15:4, 5.

Kan hun chhûnga kan mamawh berte zînga mi chu nitin Isua nêna inzawmna azâra thlarau lam hausakna miten an châwk ngah hi a ni. Zirlai 14 leh 15-nate khân chu chu nitin tawngtâina leh Bible zirna aţanga kan tihdân tûr min kawhhmuh kha.

Krista nêna kan inzawmna chungchânga thil pawimawh nasa taka uar ngai chu hei hi a ni. Kraws a a hnathawh zawh tak, Hahchawlhna dik tak thlamuanna kimte hi a thih dâwna Isua Krawsa “A kin ta” (Joh. 19:30) tia a au chhuah avâng khân a awm a ni. Heti zawng hian sawi ila, A tlanna hna chu krawsah a zawh tâk avângin.

“Nimahsela tunlai hun tâwpah hian inthawi nâna inhmang chawpin sual tihbo nân vawikhatah a lo lang ta nghal a ni.” Hebrai 9:26.

“Isua Krista taksa vawikhata hlan nghal vâng khân tihthianghlimin kan awm ta.... Thil hlan pakhat chauhvîn tihthianghlim tawhte chu chatuan atân a tifamkim tawh si a.” Hebrai 10:10,14.

Isua chuan a thih khân sual chu a “tiboral a ni,” Setana chuan kan sual chu kan chungah a dah thei tawh lo. A chhan chu kan aiawhtu chuan Kalvariah ngaihdamna a siam avângin Isua chuan tihthianghlima awmte chu chatuan atân a tihfamkim tawh avângin Setana chuan kan tlinlohna emaw kan tâwklohna emaw te chu min beih nân a hmang thei lo.

Chuvâng chuan a ni, 'ringtu a sual thuphâte châwitu chu, Krista hnathawh zawh tawhah chuan a châwl thei tawh e,' tih a ni. Kan hlen a, pawm kan ni ta. Diklohna hi awm dân diklo thlentu a ni. Diklohna hi kan tunlai nun maktak phênah a awm a ni.

Isua chuan diklohna avânga kan harsatna chu vawikhat chatuan atân krawsah min tihkian sak tawh a. Amah ngeiin “A kin ta,” tiin, “Chawlhna ka pe ang che u” tia a tiam chu a hlen ta a ni. Krista chuan min tlanna hna chu kalvariah a zova, tin, chawlhniin thlânah a châwl a, Pathianni (Sunday) zîngah chuan sualna leh thihna chungah hnehtu nihna changin a tho leh ta a ni. Kristiante hian Krista hnathawh zawhte chungah chawlh (inngah) aia chawlhna (inngahna) ðha zâwk an nei rêng rêng lo.

“Chutichuan unaute u..... kan thinlunga chhia leh ðha hriatna ðha lo chu thenfai saka awm a, kan taksa pawh tuifîma buala awmin, rinna famkim neia thinlung tak zet puin i hnaih ang u. Kan beisei thurin hi a nghin lohna tûrin i pawm tlat ang u. Thutiamtu chu a rinawm si a, tin, hmangaih leh thil ðha tiha in chawk tho tûrin inngaihtuahtawn ang u.” Hebrai 10:14-24.

Min tiamtu hi a rinawm avângin Isuan a tiam chhandam hahchawlhnaah hian kan lut thei a ni. Ngelnghehna te, thlamuanna te leh chawlhna nitina Isua kan hmuhte hi kan thiltih rah ni lovin Aman Krawsa a tih reng zâwk a ni.

Kan chhandamna chu a chian tawh avângin Kristaah chuan kan chawl thei a ni. Chu chianna chuan hmangaih thuâwihna a siam thîn. (He mi thu hi Zirlai 15-naah kan hmuh tawh kha.) A thua chênga tawngtâina zâra vân boruakte tema, nitina Krista bula hun hmang tûrin chu hriatchianna chuan keimahniah a thawk thîn a ni. Isua nêna intawhna chuan nun tha, muanawm leh awmze nei a siam chhuak thîn.

3. KARTINA KRISTA NENA INPAWLNA.

Krista chuan ni ruk chhûnga khawvêl a siam zawh chuan (Kolosa 1:16,17) Chawlhnia chawlhna chu kârtina amah nêna kan inzawmna kan tihngheh zêlna tûrin min siam a ni.

“Tin, Pathianin a thilsiam tinrêngte chu a en a, ngai teh, tha a ti êm êm a. Tichuan tlai lam a awm a, zîng lam a awm bawk a, a ni rukna chu. Tichuan Pathianin ni sarhi nî chu mal a sâwm a, a serh ta a. Chumi nîah chuan Pathianin a thil siam zawng zawng chu a chawlhsan tak avângin.” Genesis 1:31; 2:3.

An siamtu, Isua chu chawlhni hmasa berah chuan Adama leh Evi nêan chawl (serh) a, chu ni chu mal a sâwm a, a tithianglim bawk a.

Pathian chuan chawlhkâr khata ni sarhi awma kual zêl a din sak a, hei hi Ama hlâwkna ni lovin Adama leh Evi leh keini thleng pawhin, vawiin ni thlenga kan hlâwkna tûr a ni. Mî pahnih a siamte chu a ngaihsak êm avângin,

an damchhungin kârtina ni sarihna chu Ama awmpuina zawm nâna ruat hrang tûrin a ruat a ni. A vuah dânin,



chawlhni tin chu an tân tisa hahchawlhna leh thlarau intihtlai nân a ruat a ni.

Kan khawvêla sual a lo luh takna hian, chawlhni serh hi urhsûn zâwka hman a tûlzia a tilang a ni. Chhandamtu pangngai, Evi leh Adama-te hnêna 'chawlhna' tiamtu

khân kum sânghnih hnuah Sinai Tlângah chuan Mosia hnênah dân a pe a (1Korin 10:1-4). Isua chuan chawlhni a chawlhna thupêk chu Thupêksâwm laiah a dah a, thupêk palina chuan :

“CHAWLHNI (SABBATH) THIANGHLIM TAKA SERH TUR A NI TIH HRE RENG RAWH. Ni ruk chhûngin i thawk tûr a ni a, i hna zawng zawng chu i thawk tûr a ni, a ni sarih ni erawh chu LALPA i Pathian tân chawlhni a ni e. Chu mi nî chuan hna rêng rêng i thawk tûr a ni lo, nang pawhin i fapa pawhin, i fanu pawhin, i bâwih pa pawhin, i bâwihnu pawhin, i ran pawhin, i ina hnamdang pawhin, ni ruk chhûngin LALPAN lei leh vânte, tuifinriat leh a chhunga awm zawng zawngte chu a siam a, tin, a ni sarih nî chuan a chawl ta si a. Chuvângin LALPAN Chawlhni chu mal a sâwm a, a tithianghlim ta a ni.” Exodus 20:8-11.

Pathian chuan Chawlhni hi Lalpa, lei leh vânte


Siamtu kan hriatrengha nî atân a siam a. Kartin Chawlhni serhna hian engkim Siamtu, he nî hi malsawm a, thianghlim taka hman tûra dahhrangtu nêh min inzawmtîr a ni. He leia a awm lai khân Isua chuan hun remchâng apianga Pa nêna an inzawmna tichak tûrin a hmang thîn a. Sabbath chawlhna a hlâwkpuî êm êm a, chu mi thu chu Luka chuan:

“Tin, a seilenna khua Nazaret chu a lo thleng a; tin, chawlhnia a tihdân pangngaiin inkhâwmna inah a lut a,” Luka 4:16.

Isua Pathian Fapa mihringa lo kal mahin Sabbath nîa Pa bula chawlh a mamawh chuan, keini mihringte pheî hi chuan kan mamawh zual a ni. Sabbathnî chungchâng Judaten dân an lo siamte chu paihbovin (Matthaia 12:1-12) Sabbath chu mihringte thâtna tûr a siam a nih thu a târlang a ni.

“Amah vekin an hnênah chuan, 'Chawlhni hi mihring tâna siam a ni a, mihring hi Chawlhni tâna siam a ni lo; chutichuan Mhring Fapa hi Chawlhni chungah lam pawh hian Lal a ni,' a ti a.” Marka 2:27, 28.

Isua chuan a thih dân thleng khân Chawlhni pawimawhzia a ti lang, Zirtâwp nîin a thi a, chu ni chu inbuatsaihna nî, tia vuah a ni a, tin, Chawlhni pawh a lo inñan têt tawh a (Luka 23:54). Chutih lai tak chuan, “A kin ta” tiin a auva, chumi awmzia chuh



misualte aia thi tûra he khawvêla a lokal chhan chu a tâwp ta, a famkim ta tihna a ni. (Johann 19:30;4:34; 5:30) Tlanna hna ropui tak chu zawhin a awm ta. A hnathawh zawh tak lawm nân Chawlhni chuan thlânah a châwl a, Kristan ni ruk chhûnga khawvêl leh a chhûnga awmte a siam zova, a ni sarîh nîa a châwl ang khân, Kraws lera tlanna pawh tizovin mihringte siam thar lehna chu a ni ruk nî chuan a zova, tichuan a ni sarîh nî chuan a chawl ta a ni.

Pathianni zîng chuan Krista chu hnehna chang Chhandamtu niin thlân aţang chuan a lo tho ta a ni (Luka 24:1-5). A zirtîrte hnênah chuan a thawh leh hnuah

pawh Sabbath ni chung châng a harsatnaah te chuan amah râwn zêl tûrin a hirih tawh a.

“ In tlanbo hun tûr chu thakah emaw, Sabbath



**nâh emaw a lo thlen loh nân tawngtai rawh u.”
Matthaia 24:20.**

Kan chhandamtu chuan a zirtîrte leh ringtu thar an siamte chu thil kalphung a lo zirtîr tawhte chu chhunzawm zêl tûrin a duh a. Chhandamna hahchawlhna leh Sabbath nî hahchawlhate chu hrethiam tûrin a duh a. A zirtîrtu chu tibeidawng lovin zirtîrte chuan Chawlhni chu a thihhnu thlengin an serh a ni. (Luka 23:54-56; Tirhkohte 13:14; 16:13; 17:2; 18:1-4).

Hmangaih Johana chuan Sabbath nia Krista a pâwlina chu a chhunzawm reng a. A hun hnuhnûng lamah chuan, “Lalpa Nî(ah) chuan Thlarauvin ka lo awm a,” tiin a ziak a. (Thupuan 1:10). Isua sawi dânin “Lalpa Nî” chu Chawlhni, Sabbath Nî hi a ni, a chhan chu Mihring Fapa chu Chawlhni Lal a nih tlat avângin. (Matthaia 12:8).

Sabbath nî kan serh hian Lalpan thil pahnih kan aia a tihte kan lawm a ni; chungte chu min siamna leh min tlanna hi a ni. He Sabbath nî serhna hian vân thlengin a chhunzawm ang.

“Vân tharte leh lei thar ka la siam tûr chu ka hmâah a awm reng dâwn angin, in thlahte leh in hming chu a awm reng bawk dâwn a ni' LALPAN a ti. 'Sabbath nî aţanga Sabbath nî dang thelgin, mi zawng zawng ka hmaah chibai mi bûk tûrin an lo kal zut zut ang.' LALPAN a ti.” Isaia 66:22, 23.

A tîr aţangin Pathian chuan Sabbath hi a thilsiam hriatreng nân a ruat a, ni hnuhnûnga a thuchah pawhin a thupêkte zâwma Siamtu chibaibûkna tûra sâwm lehna pawh a huam a ni (Thupuan 14:7,12). Bible bu hnuhnûng bera he thuchah hian Sabbath serhna Thupêk, Siamtu a nih hriatrengna tûr thuchah chu a huam a ni.

4. CHAWLH NIA CHAWLH HLA WK NATE

Pathian chuan Sabbath nî lâwmtute chu thil ropui tak a tiam.

“Chawlhni bawhchhe lo tûra, ka ni thianghlina i duhzâwng ti lo tûra i kephah chu i hawikîr tûra, Sabbath lâwmawm i tih a, LALPA ni thianghlina chu zahawm i tih a, mahni kawng zawh lova i chawimawi chuan, LALPA chungah chuan i lâwm ang a, leilung hmun sângahthe chuan ka chuantîr ang che a, i pu Jakoba rochun thilin ka châwm ang che LALPA kâin chu chu a sawi tawh a ni.” Isaia 58:13, 14.

He thu hian Sabbath nî hi kan nunna atâna thil thaberte kan dawnna kalkawng a nihzia min kawhmmuh a ni, “Leilung hmun sângahthe chuan ka chuangin rochun thilte chuan kan inchâwm a ni.” Engkim neih tumin mite chu tun lai hian an innêksâwr a, mimal mal angin an inhmag zova, chhûngkuate leh rilru hah avângin an inthendarh a, chutih laiin Pathian chuan Sabbath hi chungte neih nâna kawng tha zâwk atân a pe a, heta tang ngei hian nun tha zâwk a pe a ni.

1. Sabbath hi thilsiam hriatrengna a ni, thianghlina taka kan serh hian kan Siamtu hriatrengna kan tungnung. He mi nî hian Pathianin khawvêla kan inçanna bul hriat theihna hun remchang min pe a. Nangmahin emaw in chhûngkua in emaw a ram hnuai mâwi tak, reh reihrawih hnuai kawngah emaw, lung kêra tui lo luang chhuak ker ker bulah emaw, hlim taka hmang tûra in kalna hnahnûng ber chu engtik lai kha nge ni le? Tunlai hi chuan thilsiam mawi leh an lak aţanga hriat tûr hmunte hi an vang tawh a; thil tam tak an rimawi leh hmuh châkawmna lo tibwaitu an tam tawh a ni. Chutichung chuan Sabbath nî hian kan tâna Pathian

thilsiam ropui tak takte kâra amah pawh theihna min pe a ni.

2. Sabbath nî hian lâwm taka Pathian biakna leh Kristian dangte nêna inpâwlho hlimna kan dawng thîn. Sabbath hian vân lam min thlîr pui a. Kârtina insiam thatna hi kan mamawh tak zet a, chuvângin chunglam thlîr hona hi kan mamawh a ni. Mi dangte nêna Pathian fak honaah hian hlâwkna a awm a, chu hlâwkna chu kawng dang aţangin a lo kal satliah mai lo, kan rinnate hi vântlâng hriatah te, thenrualte hriatah te leh a fala kan rilruah te puan chhuah hi kan mamawh a ni. Sabbath hian kohhran inpâwlhona remchâng min pe a, chu chu kan thlarau tih thar leh nân a ni.

Isaia chuan Sabbath nîa inkhâwm a lâwmawm zia tihian a sawi,

“Chutiang mi leh, chumi pawm tlattu mihring fapa chu a eng a thawl e; Sabbath bawhchhe lova serh thîntu leh, thil thalo rêng rêng tilo tûra a kut vêng tha thîntu chu. ... LALPA rawngbâwl tûr leh LALPA hming ngaina tûr leh, a chhiahhlawhtea awm tûra LALPA zawm apiangte chu, anni ngei chu ka tlâng thianghlimah chuan ka hruai ang a, ka ţawngţaina inah ka tihlim ang..... ka in chu mi tinrêng tân ţawngţaina in an ti dâwn si a,” Isaia 56:2, 6-8.

3. Sabbath hian rilru taka lainatna hna thiltihna hun remchang a siam thîn. Chawlhkâr chhûnga thawhmannâ hun i neih loh chhûng khân i thenawmah damlo an awm em? Pasal a sun vânga lainatna ţawngkamte a mamawh lai khân mitin hna ţul hian i khawngaihna avânga i ngaihven a dal tûr em ni? Kan pianphung hi chuan ţulh leh mai a chawh thîn.

Chawlhni erawh chuan “Ti nghâl rawh,” a ti a ni. A nih loh pawhin Isuan a lo sawi angin, Chawlhniah hian thil tha tih a thiang a ni.” (Matthaia 12:12).

4. Sabbath nê hi chhôngkua intihchakna nê a ni.

Lal Kristan, “Hemi (Sabbath) ni hian engmah i thawk tûr a ni lo” (Exodus 20:10) tia thu a pêk hian, pa ber hna âtchilh leh chhôngkaw nu rilru hahte tâna damdawi hei aia thâ pêk tûr a nei tawh chuâng lo. Sabbath nê hi chhôngkaw tân awmni kham nê chhinchhiahna ropui tak a ni. Hna kallaite tih tâwpna; thil mamawh leh hmanhmawh lutuk tih loh theih loh ngawt lo chu tihlohna tûra dangtu a ni. Sabbath nê hi intihhlîmna thlâktu inpâwlhona atân, phurrit tân tawngtâina hun, hna rim a tanga zangkhaina leh thawh tûr khat lutuk kâra hahchawlhna nê a ni. Sabbath nêa chawlhna hian chhôngkaw puma ‘Krista pâwlna hun leh kan thlarau lam chakna neih theihna min siam a ni.

5. Sabbath nê hi a bîk taka Isuan min hnaih na

nê a ni. Inzawmna engpawh hian hun a mamawh a, chu chu hun tha a ni. Krista nêna kan inzawmna pawh hetah hian a bâng rêng rêng lo. Kâr khata nileng Krista tân kan serh hi kan inthianna tihtharna leh hlimawm taka siamna ropui tak a ni. Sabbath nê hian Bible zirna leh tawngtâina hun ni dang aia tam min pe a, Krista nêna inpâwlna hun fianrial a siam a ni.



Isua chuan Sabbath nê chu mal a sâwmin a tithianglim a, tin a bika awmpuina a pe bawk a (Gen. 2:3). Tûnah chuan engvângin nge Sabbath nê, kêr khata ni sarihna hi chawlhni pawimawh leh serh tûr a nihna chhan chu i hre thiam tawh ngei ang. He nê hi Kristan lei leh vên a siam tirh ațanga amah nêna kan inpâwlna tûra, a bîk taka a ruat hran chu a ni.

Isuan Sabbath nê a siam hian keini hun thleng hian a ngaihtuah ngeiin a lang. Hei chiah hi kan chhehvêla rilru tibuai reng thinte kêra kan mamawh chu a ni; hun awl kan neih theihna tûr nê, thil dang zawng zawng laka chawlhna, Pathian biakna a thilsiamte nêna inpâwlna leh khawvêl thilte aia kan inpumkhatna lama kan in hmanna nê a ni. Sabbath nê hi tun lai boruak chhia, duh duha khawsakna kêra boruak țha hîpna nê a ni.

5. VANLAM CHAWLH TEM LÂWKNA

Nitin leh kartina Isua nêna inpâwl hlâwkate chu thu pakhata kan sawi chuan CHAWLHNA kan ti thei ang. Chawlhni (Sabbath) hi Hebrai țawng ațanga lâk a ni a, a awmzia chu 'Chawlhna' tihna a ni. Chuvângin Pathian Thu hian kêrkhata nisarihna (Saturday) hi "Chawlhni" emaw "Chawlhnia chawlhna" tia a lo vuah hi a mak lo (Leveticus 23:3). He chawlhna hi chawlhna famkim vâna kan hman tûr lo tem lâwkna a ni.

"...Nisarihni thu hetiangin a sawi asin: 'Ni sarihna niah chuan Pathian chuan a hnathawh zawng zawng a chawlhsan ta a,' tiin. 'Chutichuan Pathian mite tân chuan Sabbath nêa chawlhna a la awm ta fova. Tupawh Pathian chawlhnaa luta châwl ve tawh chuan Pathian tih ang khân a hnathawhte chu a

chawlsan ve thîn. Chutichuan tumah chu mi awih loh entîrna anga awma an tluk loh nân chu chawlhnaa lut tûr chuan thahnem i ngai ang u.” Hebrai 4:4, 9-11.

“Sabbath nîa chawlhna,” Sabbath nî serhna zâra hun tha kan chan hian kârtina vâna chatuan chawlhna zâra lâwmna awm dân tûr hriatna a then a zâr min hriattîr a. He chawlhna hi engmah tilova chawlh tlawk tlawk a ni lova, amaherawhchu hima inhriatna te, muanna te leh nundan pumpui, nun tam zung ami hriatchhuahna chu a kâwk zâwk a ni. Hetiang thlarau lam hahchawlhna hi paltlang tawh aţang chauhva châk chi a ni, chhandam chawlhna leh Sabbath nîa chawlhna lo tem tawhte inpuanna hi khawvêl pumpuia a awm a; nitin leh kârtin inpâwna zâra Krista chawlhnaa i luh chuan dam chhûnga hlimna ropui ber i hmu chhuak ang.

Kan Lalpa ngei chuan khawvêl siam khân Sabbath min pe a, hei hi Judate tân maia pêk a ni lova, khawvêl pumpuia mihringte tân a ni. Judate an awm hmâ kum sânghnihah khân, Sabbath nî hi Pathianin malsâwmin a tithianglim tawh a ni. Kan thlarau nunte kan tih tharna tûra ni pawimawh bîka Pathianin a ruat chu a ni. Thupêk sâwm dân zînga pakhat a ni, chuvângin Pathian chuan he ni hi “Hrereng rawh” a ti a, chutichung chuan khawvêl pumpui deuh thâw hian a hlamchhiah tlat si a ni!

Chawlhna nî thilpêk avâng hian Isua chungah i lâwm em? Kârtinin a Sabbath nî chu serh i duh thu i hrilh ang em? “Aw Lalpa, i ni lo ruatah chuan lâwmna hmuh ve ka duh asin,” i ti thei em? He tiamkamna hi tûnah i siam thei mai lâwm ni?

Kan pa Vâna mi, tisa hahchawlhna tûra nitin hahchawlhna min pêk avâng leh nang nêna kan inkâr tihnghehna tûra kêr tina chawlhni chawlhna thutiam avângin lâwmthu ka hrilh a che. Ka thinlung tihdanglamna tûr leh thiltha chaka tihduhna tûra chunglam chakna thutiam avâng hian i chungah ka lâwm bawk e. Nunna hi a nihna famkima ka chan theihna tûra engkim kalsana min chhandamtu chung a rinawm tûrin min pui ang che. I duhzâwng ngaihsak tûrin min pui la. Vân chawlhna lâwmawm hmang tha tûrin min pui zêl ang che. Hêngte hi Isua hmingin ka dil e. Amen.

[Hêngte hi i lo ngaihtuah fo tawh thîn mai thei. Tunge chawlhni hi Inrinni, kêr khata ni sarihna aţanga Pathianni, kêr khata ni sarihte zînga hmasa berah hian lo thlâk? Chu thlâkna chu engtik lai khân nge? Hêng zawhnate hi Zirlai 21-ah chhân a ni.]

Published by : Mizo Conference of Seventh-day Adventists
Seventh-day Tlang, P.O. Box 097, Aizawl 796 001, Mizoram.

DISCOVER - BIBLE RÂLCHHÂN